



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

§. 1. Aviti Academici probrosa in Homiliam SS.D. Clementis insultatio.

urn:nbn:de:hbz:466:1-39351

SECTIO PRIMA.

PARAGRAPHUS PRIMUS.

*Aviti Academici probrofa in Homiliam
S. S. D. Clementis XI. insultatio, &
Eutichianæ pestis affricatio refertur.*

Viamquam, Authore S. Leone Magnō,
aliud sīt merita Præsulūm, aliud Jura S. Leo ep. 62.
Sedium, itā ut etiam Prævaricator
fidei, quod absit, Romanus Antistes
non subrueret Apostolicæ solidita-
tem Petræ, nequè succuteret Ecclesiæ firma-
mentum; Evidēm fas non est æquis oculis com-
munem fidelium Parentem cernere hæreſeos infa-
mi opprobriō lutulatum, præsertim per illum, qui
Cathedram Romani Pontificis concionantis non
modò componit Cathedræ definiēntis, sed etiam
anteponit potiorem ratus ista alia infallibilitatis Ca-
thedrā, quam otiosorum hominum commentum esse
Avitus Academicus inamat: Nimirūm, ut Jan-
senius sub protectione Altissimi stet in concusſus,
& contrā mundi, ac erebi machinas invictus
ovet, ut ne Regales ac Sacerdotiales Curias for-
midet, necessum erat Apostolicam Petram con-
fringere, Promissa Christi Petro data fallare, A-
postolicæ jura sedis convellere. Quod ut secun-
diori marte evictum daret Magnus ille Janse-
nianorum Goliathus, molitus est Christum Do-
mini, seu Christi Vicarium capere in Sermone
seu Homiliā Anno 1702. in Dominicā Resurre-
ctionis. Lubet verba differentis exprimere, &
criminatricis linguae ludibria referre.


550 EXCURSUS CONTRA
Homiliæ Pontificiæ verba sunt ista :
HODIE FORMA SERVI REVERSA EST
IN FORMAM DEI : *Ac exinanitio
humilitatis ad pristinæ altitudinis re-
diit Majestatem.*

IN primam periodi partem insultabundus arietat , secundam verò (cum sit phasis Patrum , & prioris partis climpidet densitatem) incuriosus præterit . Hæc sunt igitur , quæ aures offendant , & quæ æquas vindicias non sinant , Pontificis effata , quæ ipse è Cathedrâ pestilentia seu superbiæ Avitus Academicus definit Eutichianâ lue fædata :

FORMA SERVI REVERSA EST
IN FORMAM DEI.

*Aviti Academicorum vox exprobrantis ,
et obloquentis.*

Qui è Magistris vestris ingenio , eruditione , calliditate præstant ; ab errore Eutichianò liberent hanc periodum : HODIE FORMA SERVI REVERSA EST IN FORMAM DEI. Nam sicut forma servi secundum Christianæ Religionis effata numquam fuit forma Dei ; sic nec in illam die Resurrectionis reversa fuit , nec reversura est umquam in perpetuas aeternitates.



§. 2. Cal-